

Na osnovu člana 27. stav 1, člana 32. stav 1. Zakona o Fondu za zaštitu okoliša Federacije Bosne i Hercegovine ("Službene novine FBiH", broj: 33/03), člana 34. Statuta Fonda za zaštitu okoliša Federacije Bosne i Hercegovine ("Službene novine FBiH", broj: 33/06), člana 6. Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10), te na osnovu Zaključka sa 26. sjednice Upravnog odbora Fonda održane 20.12.2011. godine, Fond za zaštitu okoliša Federacije Bosne i Hercegovine raspisuje

JAVNI POZIV

ZA SUFINANSIRANJE PROGRAMA, PROJEKATA I SLIČNIH AKTIVNOSTI IZ OBLASTI ZAŠTITE OKOLIŠA JAVNIH NAUČNIH I VISOKOŠKOLSKIH INSTITUCIJA, NEVLADINIH UDRUŽENJA I DRUGIH NEPROFITNIH ORGANIZACIJA

I PREDMET JAVNOG POZIVA

Predmet Javnog poziva je prikupljanje prijava za sufinansiranje programa, projekata i sličnih aktivnosti iz oblasti zaštite okoliša, u okviru sljedećih kategorija:

- 1) Projekti nevladinih udruženja i drugih neprofitnih organizacija;
- 2) Naučno-istraživački projekti/studije javnih naučnih i visokoškolskih institucija;
- 3) Održavanje kongresa, simpozija i okruglih stolova čiji je organizator udruženje ili javna naučna i visokoškolska institucija;
- 4) Objavljivanje naučno-stručne literature i publikacija relevantnih za oblast zaštite okoliša.

Na osnovu ovog Javnog poziva Fonda za zaštitu okoliša FBiH, maksimalan iznos dodijeljenih sredstava po pojedinom projektu će biti do 50.000,00 KM.

Trajanje projekta može biti kraće, ali ne duže od 12 mjeseci od dana početka provedbe projekta.

II PODRUČJA AKTIVNOSTI PROJEKATA

U sklopu ovog Javnog poziva svoje prijave mogu podnijeti javne naučne i visokoškolske institucije, udruženja i druge neprofitne organizacije te iznimno pojedinci (u kategoriji objavljivanja naučno-stručne literature i publikacija relevantnih za oblast zaštite okoliša), za projekte koji se odnose na jačanje javne svijesti, obrazovanje i istraživanje u području zaštite okoliša s ciljem poboljšanja kvalitete okoliša i prirodnih vrijednosti, te jačanja kapaciteta NVO sektora i podrške stručnim naučno-istraživačkim kapacitetima na teritoriji Federacije BiH, u sljedećim prioritetnim oblastima (djelovanja):

- a) Zaštita, očuvanje i poboljšanje kvalitete zraka, tla, voda;
- b) Zaštita i očuvanje biološke i pejzažne raznovrsnosti;
- c) Očuvanje zaštićenih prirodnih područja;
- d) Unapređenje stanja okoliša i prostora urbanih i ruralnih sredina;
- e) Saniranje, poticanje izbjegavanja i smanjivanja nastajanja otpada;
- f) Unapređivanje ekološke svijesti javnosti.

III KORISNICI SREDSTAVA KOJI IMAJU PRAVO NA PODNOŠENJE PRIJAVA

Pravo učešća imaju: javne naučne i visokoškolske ustanove, nevladina udruženja i druge neprofitne organizacije registrovane prema Zakonu o udruženjima i fondacijama Federacije Bosne i Hercegovine ("Službene novine FBiH", broj: 45/02), koje su osnovane i djeluju na području Federacije BiH, i čija je primarna djelatnost usmjerena na područje zaštite okoliša. Iznimno, u kategoriji 4. iz predmeta Javnog poziva (objavljivanje naučno-stručne literature i publikacija relevantnih za oblast zaštite okoliša), prijave mogu podnijeti pojedinci/autori ako se bave samostalnim istraživačkim/naučnim radom u oblasti zaštite okoliša.

Organi državne vlasti ne mogu biti finansirani kroz ovaj Poziv kao nosioci projekta, ali je moguće njihovo učešće u izvođenju samog projekta, programa i sličnih aktivnosti u smislu pružanja podrške projektu.

IV PROJEKTI KOJI NEMAJU PRAVO NA OSTVARIVANJE SREDSTAVA FONDA PO OVOM JAVNOM POZIVU

- a) Projekti čije je finansiranje predviđeno budžetom Federacije za tekuću godinu;
- b) Projekti velikih razmjera za koje su potrebna znatna finansijska sredstva, osim u slučaju ako je većina sredstava osigurana iz drugih izvora;
- c) Projekti koji se isključivo zasnivaju na investicijskim ulaganjima, izgradnji, adaptaciji kapitalnih objekata i/ili kupovini opreme;
- d) Projekti usmjereni isključivo na zadovoljavanje temeljnih potreba poslovanja udruženja (npr. kupovina opreme, pokrivanje troškova redovnog poslovanja itd.);
- e) Projekti čija je jedina svrha korist članicama/članovima udruženja.

V USLOVI KOJIMA PODNOSIOCI PRIJAVE MORAJU UDOVOLJAVATI

Prijave za sufinansiranje projekata, razmatrat će se isključivo ako aplikant zadovoljava sljedeće kriterije:

1. Udruženje/javna naučna i visokoškolska institucija je registrovana kod nadležnog organa Federacije BiH, a u svojoj djelatnosti obuhvata područje zaštite okoliša;
2. Projekti koje aplikant provodi od značaja su za javno dobro u Federaciji BiH, a projekat sa kojim aplicira usmjeren je na promovisanje ciljeva i načela zaštite okoliša, te se zasniva na već postignutim rezultatima prijašnjih sličnih aktivnosti aplikanta;
3. Projekti u oblasti zaštite okoliša s kojima udruženje/organizacija aplicira, u skladu su sa ciljevima i zadacima definisanim statutom udruženja;
4. Udruženje/organizacija vodi transparentno finansijsko poslovanje;
5. Aplikant je pravovremeno i u potpunosti ispunio sve preuzete obaveze na osnovu eventualnih dosadašnjih dodjela finansijskih sredstava ili sufinansiranja projekata od strane Fonda.

VI OSNOVNI KRITERIJI ZA ODABIR PROJEKATA

Postupak odabira provodi se u skladu sa odredbama *Pravilnika o postupku objavljivanja konkursa i o odlučivanju o odabiru korisnika sredstava Fonda* ("Službene novine FBiH", broj: 73/10), *Pravilnika o uslovima i načinu dodjele zajmova ili pozajmica i drugih sredstava Fonda* ("Službene novine FBiH", broj: 75/10) i *Pravilnika o mjerilima za ocjenjivanje zahtjeva za dodjelu sredstava Fonda odnosno programa, projekata i sličnih aktivnosti* ("Službene novine FBiH", broj: 73/10).

Izbor se vrši na osnovu kompletnog prijedloga projekta.

Lista prednosti za dodjelu sredstava utvrđuje se s obzirom na broj ostvarenih bodova, a sredstva se dodjeljuju korisnicima sredstava Fonda prema listi prednosti do iznosa predviđenog *Finansijskim planom Fonda za 2012. godinu* i *Programom rada Fonda za 2012. godinu*.

VII DOSTAVLJANJE PRIJAVA PROJEKATA

- A) Projekti za dodjelu sredstava Fonda udruženjima u području zaštite okoliša u 2012. godini, prijavljuju se ispunjavanjem odgovarajućeg obrasca.
- B) Dokumentacija za učestvovanje sastoji se od obaveznog i neobaveznog dijela.

OBAVEZNA DOKUMENTACIJA ZA UČESTVOVANJE:

Svi aplikanti moraju svoje projekte prijaviti na propisanim obrascima, koji sadrže spisak neophodne dokumentacije za učestvovanje, a prema sljedećim kategorijama:

- 1) Projekti nevladinih udruženja i drugih neprofitnih organizacija: Obrazac br. 1 – JP 2012/01;
- 2) Naučno-istraživački projekti/studije javnih naučnih i visokoškolskih institucija: Obrazac br. 2 – JP 2012/01;
- 3) Održavanje kongresa, simpozija i okruglih stolova čiji je organizator udruženje ili javna naučna i visokoškolska institucija: Obrazac br. 3 – JP 2012/01;
- 4) Objavljivanje naučno-stručne literature i publikacija relevantnih za oblast zaštite okoliša: Obrazac br. 4 – JP 2012/01.

NEOBAVEZNA DOKUMENTACIJA

- 1. Pisma preporuke (npr. jedinica lokalne samouprave i/ili regionalne samouprave, ministarstava, institucija u zemlji i inostranstvu, drugih donatora);
- 2. Publikacije, prezentacije, novinski članci te ostali materijali koji prikazuju rad aplikanta i u neposrednoj su vezi sa prijavom projekta.

VIII VREDNOVANJE PROJEKATA

Prijave projekata koje ne zadovoljavaju formalno-pravne kriterije propisane ovim Javnim pozivom (zakašnjele prijave, prijave koje ne sadrže svu Pozivom propisanu dokumentaciju ili prijave podnesene na neki drugi način odnosno suprotno uslovima iz ovog Javnog poziva), neće se razmatrati, o čemu će aplikanti biti pismeno obaviješteni.

Odluku o prihvatanju projekata po podnesenim prijavama na ovaj Javni poziv, donosi Upravni odbor Fonda na prijedlog direktora Fonda, a sve na osnovu Izvještaja o provedenom Javnom pozivu te ocjeni projekata kojima se utvrđuju prioriteta u odabiru prijave od strane Komisije za provedbu Javnog poziva.

Rezultati Javnog poziva o izboru korisnika sredstava bit će objavljeni na službenoj web stranici Fonda www.fzofbih.org.ba i „Službenim novinama FBiH“, u roku od 15 dana od dana donošenja odluke Upravnog odbora.

U skladu sa odredbama *Pravilnika o uslovima i načinu dodjeljivanja sredstava Fonda* (“Službene novine FBiH”, broj: 75/10), *Pravilnika o mjerilima za ocjenjivanje zahtjeva za dodjelu sredstava Fonda* (“Službene novine FBiH”, broj: 73/10) i *Pravilnika o postupku objavljivanja konkursa i odlučivanju o odabiru korisnika sredstava Fonda* (“Službene novine FBiH”, broj: 73/10), sklopljenim ugovorom utvrdit će se međusobna prava i obaveze Fonda i korisnika sredstava a naročito:

- Iznos odobrenih sredstava,
- Uslovi i način korištenja dodijeljenih sredstava,
- Vremenski rok za realizaciju projekta,
- Način praćenja i kontrole namjenskog trošenja dodijeljenih sredstava, kao i
- Ostala međusobna prava i obaveze.

IX OPĆE ODREDBE

Obrasci za prijavu po ovom Javnom pozivu, mogu se preuzeti na službenoj web stranici Fonda za zaštitu okoliša FBiH www.fzofbih.org.ba.

Ovaj Javni poziv objavljuje se u Službenim novinama FBiH, dnevnim listovima „Dnevni avaz“ i „Večernji list“, i na web stranici Fonda.

Prijava za učestvovanje u Javnom pozivu s obaveznom dokumentacijom (navedenom unutar odgovarajućeg obrasca) dostavlja se, u jednom originalu i jednoj kopiji, posebno za svaki projekat u jednoj koverti, u roku od 15 dana od dana objave Javnog poziva u „Službenim novinama Federacije BiH“ lično ili preporučeno putem pošte na adresu:

Fond za zaštitu okoliša Federacije BiH
Hamdije Čemerlića br. 2/I
71 000 Sarajevo

uz naznaku:

Prijava na “Javni poziv za sufinansiranje programa, projekata i sličnih aktivnosti iz oblasti zaštite okoliša javnih naučnih i visokoškolskih institucija, nevladinih udruženja i drugih neprofitnih organizacija”.

Broj: 01-04-382/2012.
Sarajevo, 22.02.2012. godine

DIREKTOR
Safet Harbinja